



SULEQATIGIISITSISUT  
SAMARBEJDSPARTIET

Nuuk ulloq 31. januaari - 2019

Inatsisartut Suleriaasianni § 37 imm. 1 naapertorlugu Naalackersuisunut apeqqutit imaattut matumuuna saqqummiuppakka:

**Naalackersuisunut apeqqutit:**

**1. Naalackersuisut pilersaaruteqarnerlutik perngaammik eqqartuunneqartut imaluunniit pinerluutit sakkukitsut pillugit pineqaatissinneqarsimasut isertitsivimmuut inissinneqartussat immikkoortitertalernissaannut aamma arlaleriarlutik eqqartuussaasarsimasut?**

- Taamaasillutik perngaammik pineqaatissinneqarsimasut ataqqinarsaaqqinniarlugit suliniarfigisalerlugit siunertaralugu pilerloqqinnginnissaat kiisalu pinerluttunut anginerusumik suliniarfigisariaqartunut akuutittarnagit?

**2. Misissorneqarnikuunerluni suut ataqqinarsaaqqilluni suliniuttit iluaqutaalluarnersut aamma suut iluaqutaavallaarneq ajornersut? Nunatsinni pineqaatissinneqarsimasut isertitsivinniittut aallaavigalugit.**

**3. Taamaangippat Naalackersuisut pilersaaruteqarnerlutik misissuiffigissallugu suliniutit suut pineqaatissiisarnersnut ikilisisarnersut taamaasillunilu millisillugu pinerluttut pinerloqqissinnaanerat?**

**4. Suliniutit suut ullumikkut ingerlappat pineqaatissinneqarsimasut isertitsivinniittut isertitsivimmiinnerminni imminnut suliariumallutik kissaateqarpata imaluunniit pineqaatissinneqarsimasut isertitsivinniitinneqanngitsulli eqqarsaatigalugit?**

**5. Isertitsivinni ataqqinarsaaqqittassanut suliniuteqarpa suaassutsimik tunngaveqartunik imaluunniit kriminalforsorgimi?**

**6. Iliusissanut pilersarusiortoqartarpa qularnaarumallugu pineqaatissinneqarsimasut ataqqinarsaaqqinnissaat?**

**7. Inuusuttut eqqarsaatigalugit ataqqinarsaaqqinnissaannut immikkut suliniartoqartarpa?**

**8. Misissorneqarnikuunerluni pinerlunnermut inuttut aningaasatigut inissisimaneq aamma/ imaluunniit inuttut atukkat pissutaasarnersut?**

(Inatsisartunut ilaasortaq, Tillie Martinussen, Suleqatigiissitsisut)

**Tunngavilersuut:**

Ilumoorpoq periuseqaratta pineqaatissinneqarsimasunik ataqqinarsaaqqittarneq nunatsinni atoratisigu. Tassa imaappoq kissaatigisarpaput pineqaatissinneqarsimasut ataqqinarsaaqperiarlugit inuiaqatigiinnut utertinneqartassasut.

Suleqatigiissitsisunili isumaqarpugut ataqqinarsaaqqinnissaq anguniarlugu angusassamik toraagaqarluni imatorsuaq suliniuteqartoqanngitsaq, taamaattumik soqutiginnassaaq tusassallugu suliniutinik aallartitsisoqalersaarnersoq.

Inatsisitigut naapertuilluarnersut pisorarsimarnersoq apeqqusersorneqartarpoq pinerluttut taamaallaat



**SULEQATIGIISITSISUT  
SAMARBEJDSPARTIET**

pineqaatissinneqarsimappata isertitsivimmiittussanngorlugit, sualummik sakkortuumik pinerluttoqarsimatillugu aamma meeqqanut kinguaassiutitigut kanngutsaattuliorsimaneq pineqarpat, utoqqarnut kanngutsaattuliorsimaneq pineqarpat imaluunniit sakkortuumik persuttaasimaneq, isumaqartoqartarmat pineqaatissiineq sakkukippallaartoq pissutaalluni eqqartuussiveqarnermi ataqqinarsaaqqittarnissap tunngavigineqarnera. Taavami ataqqinarsaaqqittarneq naammappa?

Soqutiginassaaq tusassallugu pilersaaruteqartoqarnersoq isertitsivimmiittut akornanni pinerloqqissinnaaneq pinaveersimatikkumallugu kiisalu aamma paasissallugu pinerloqqaarnermut suut pissutaasarnesut.

Nunarsuup sinnerani pinerloqqaartartut amerlasuut, pinerloqatissarsiortarput imaluunniit pinerluttunngortarput allamik suliassaqaannginnertik pissutigalugu.

Pinerloqatigiittoqartarpoq imaluunniit angerlarsimaffimmini inuttut ajornartorsiuteqartarput allaat pinerluttunnguutigisartakkaminnik.

Taavalu naggataatigut aamma soqutiginassaaq tusassallugu pinerluttunngortarnermut suut pissutaasarnesut. Taamatullu angusassamik toraagaqarluni ataqqinarsaaqqittarneq pisarsinnaanersoq imaluunniit pinerloqqinnissamut tamanna pinaveersaartitsisuusinnaanersoq.

Pineqaatissinneqarsimasunut isertitsivittaarnissatsinnut atatillugu tamanna pingaarutittariaqaralaripput Suleqatigiissitsisuni isumaqarpugut.

Apeqqutit akeqquneqarput ullut sulliviit nalignnaasut qulit iluanni.

Tillie Martinussen  
Samarbejdspartiet - Suleqatigiissitsisut